

[Missing]

PREAMBULO

Nûxû tacuaxgû rû guxûma î duûxûgû rû nawûxigu i Tupanapexewa rû tataxuma ya texé i togûarû yexera ixîxê. Rû name nixî na nataâêgûxû î guxûma î duûxûgû. Rû ngêmacax tama tanaxwaxe i texé nûxû tarûporamaê î togû i duûxûgû rû exna chixri namaâ tachopetû.

Nûxû tacuaxgû rû ñuxguacû rû togû i âêxgacûgû rû chixri nûxna nadau i norû duûxûgû rû chixri namaâ nachopetû. Rû wûxi i taxû î chixexû nixî î ngêma î guxû î duûxûgûpexewa. Rû ñuxma tanaxwaxe i guxû î duûxûgû i guxû î naânewa rû meâ namaxê. Rû tama name na texé nachuxuxû î ngêma nûxû yaxôgûaxû î duûxûgû. Rû tama name i togûxû na namuûêxû î duûxûgû.

Rû tanaxûmatûgû i ñaâ oregû erû tanaxwaxe i âêxgacûgû meâ nûxna nadaugûxû î norû duûxûgû. Erû tama tanaxwaxe i yixcûra ñacû rû chixexûcax norû âêxgacûmaâ nanuê î duûxûgû rû namaâ nûgû nadai.

Tama name î wûxi i nachiûâne rû to i nachiûânemaâ nûgû na nađaixû.

Poperawa tanaxûmatûgû rû guxûma î nachiûânecûâxgû i duûxûgû rû nawûxigu i Tupanapexewa rû tataxuma ya texé ta togûarû yexera ixîxê. Rû yatûgû rû ngexûgû rû nawûxigu, rû wûxichigû rû name. Rû name nixî na naxâxchiruxû î guxû î duûxûgû rû name nixî na naxâwemûxû. Rû name nixî î meâ nûgûmaâ na namaxêxû î duûxûgû rû tama nûgû na nađaixû.

Rû guxâma î yixemagû i ngutaqexegûxû rû tapuracûechaû na nûxû nangûxêêgûxûcax i guxûma î duûxûgû na aixcûma meâ namaxêxûcax rû nataâêgûxûcax.

Rû ñuxma tanaxwaxe i guxûma î duûxûgû nûxû nacuaxgû i ngêma uneta. Rû ngêmacax name nixî na meâ naxûmatûgûxû na nûxû nacuaxgûxûcax i guxûma î duûxûgû.

GUXÂMA Î YIXEMA Î GUXÛ Î NACHIÛÂNEWA NE ÎXÊ

Rû nûxû tixu rû ñatarûgûgû:

Rû nangêxma î maxû î mexû î guxû î duûxûgûcax ixîxû, rû taxucûrûwa i texé tanachuxu i ngêma. Rû tanaxwaxegû i guxû î nachiûânecûâx i duûxûgû nûxû nacuaxgû i ngêmachiga. Rû ngêmacax rû name nixî na guxûwama duûxûgû nanagûxêêgûxû î ngêmachiga, na guxûma î duûxûgû nûxû nacuaxgûxûcax.

ARTICULO 1.

Ngêxguma nabuxgu i duûxûgû rû guxûma nawûxigu, rû tataxuma ya texé ya togûarû yexera ixîsê. Rû guxûma naxââêgû rû ngêmacax rû name nixî na nûgûmaâ namecûmaxû î guxûma î duûxûgû.

ARTICULO 2.

Rû name nixî na wûxichigû i duûxû meâ namaxûxû ngêxgumarûû i ñaâ popera nûxû ixuxûrûû. Rû taxucûrûwa i texé tanachuxu i ngêma. Rû nuêta i ngexta nabuxgu i wûxi i duûxû, rû exna ñacû rû duûxû yixîxgu. Rû nuêta ega yatû yixîxgu rû exna ngexû yixîxgu. Rû nuêta i ñacû i nagawa yadexaxgu rû exna ñuxacû Tupanaâxû yaxôôgu. Rû nuêta ega ñacû rû âêxgacûtanûxû yixîxgu rû exna ñacûgu naxînúgu. Rû nuêta ega namuârû dîêruâxgu rû exna tama. Erû guxû î duûxûgûcax nixî î ñaâ maxû î mexû.

Rû nuêta ega ñacû rû nachiûânecûâx yixîxgu i wûxi i duûxû, erû guxû î nachiûâx i duûxûgûcax nixî î ñaâ maxû î mexû.

ARTICULO 3.

Rû ngêxguma tama ñacû rû chixexû naxûxgu i wûxi i duûxû rû taxucûrûwa wûxi i âêxgacû nûxna nanachuxu i ñacû i mexû î nagu naxînúxû rû taxucûrûwa naxâûxûneâcû rû exna napoxcuaxû rû exna yamôâxû.

ARTICULO 4.

Rû ngêxguma togûâxû napuracûgu i wûxi i duûxû name nixî na nayauxâxû î natanû. Rû tama name na ngetanûâcûma na napuracûxêêcâcû.

ARTICULO 5.

Rû tama name na wûxi i âêxgacû nûxna na nacuaixcaxû î wûxi i duûxû rû exna chixri namaâ naxûpetû wûxi i airurûrû.

ARTICULO 6.

Rû marû name na âêxgacûpexewa na nanguxû î ngexûrtûxû î duûxû na norû guxchaxû yaxuxûcax na namexêêxûcax.

ARTICULO 7.

Rû âêxgacûpexewa rû guxûma î duûxûgû rû nawûxigu. Rû name nixî î âêxgacû na nûxû rûngûxêêxû î guxûma. Rû tama name na chixexû namaâ naxûxû î wûxi, rû nûxû na nangûxêêxû î to, erû guxûma î duûxûgû rû nawûxigu.

ARTICULO 8.

Rû ngêxguma texé ñacû rû chixexû wûxi i duûxûmaâ taxûxgu rû name nixî na âêxgacûpexewa na naxûxû î ngêma duûxû. Rû marû name na âêxgacûmaâ nûxû na yaxuxû na âêxgacû namexêêxûcax i ngêma.

ARTICULO 9.

Rû ngêxguma tama ñacû rû chixexû naxûxgu i wûxi i duûxû rû taxucûrûwa wûxi i âêxgacû nanapoxcu. Rû taxucûrûwa norû nachiûânewa inanaxûchî.

ARTICULO 10.

Rû ngêxguma wûxi i duûxû to i duûxûxû ixaûxûgu rû taxucûrûwa âêxgacû nanapoxcu ega tama meâ nûxna nacaxiragu i ngêmachiga.

ARTICULO 11.

Rû ngêxguma wûxi i duûxû to i duûxûxû înaxuâxûgu rû taxucûrûwa i âêxgacû nûxû nixu na aixcûma wûxi i chixexû na naxûxû ega tama meâ nûxna nacaxiragu i noxrix.

Rû ngêxguma tama âêxgacû nachuxuxgu i noxrix, rû taxucûrûwa i yixcûra rû wûxi i duûxû napoxcu naxcax i ngêma. Rû taxucûrûwa poraâcû nanapoxcu ega tama nataxgu i ngêma chixexû î naxûxû î wûxi i duûxû.

ARTICULO 12.

Rû ngêxguma ñacû rû chixexû naxûxgu i wûxi i duûxû rû taxucûrûwa i âêxgacû nanapoxcu i naxmax rû exna naxâcûgû naxcax i ngêma. Rû taxucûrûwa âêxgacû ngêma duûxûpatagu naxûcu rû exna ngêma duûxûârû carta niwâxna. Rû taxucûrûwa âêxgacû nûxû nixu i ñacû i ore i chixexû î ngêma duûxûchiga, erû nachuxu i ngêma.

ARTICULO 13.

Rû ngêxguma chî ngextô naxûxchaûgu wûxi i duûxû î nachiûânewatama rû taxucûrûwa âêxgacû nanachuxu i ngêma.

Rû ngêxguma chî to i nachiûânewa naxûxchaûgu rû taxucûrûwa âêxgacû nanachuxu i ngêma. Rû taxucûrûwa nanachuxu na nataeguxû.

ARTICULO 14.

Rû ngêxguma wûxi i âêxgacû chixexû namaâ ûxchaûgu i wûxi i duûxû rû marû name na ngêma âêxgacûchaxwa yaxûxû rû to i nachiûânewa naxûxû.

Natûrû ngêxguma aixcûma wûxi i chixexû naxûxgu i ngêma duûxû rû marû name î âêxgacû nanataeguxêê na napoxcuâxûcax.

ARTICULO 15.

Marû name na wûxichigû i duûxûâxû na nangêxmaxû î norû bupane rû nachiûâne.

Taxucûrûwa wûxi i âêxgacû nanapu i wûxi i duûxûârû bupane. Natûrû ngêxguma nanaxwaxegû i wûxi i duûxû rû marû name na nûxna na yaxûxû î ngêma nachiûâne na to i nachiûânewa naxûxûcax na ngêmaxûâx yixîxûcax.

ARTICULO 16.

Ngêxguma nayaxgu i yatû rû marû name na naxâmaxû. Rû ngêxgumarûû î ngexûgû rû ngêxguma nayaxgu rû marû name na naxâtexû. Rû nuêta ega ñacû rû duûxû yixîxgu i nûmagû rû

exna tacu rū nachiüānegũāx yixĩxgu rū exna tacu rū machiüānecũā yixĩxgu rū exna ñuxácü Tupanaāxũ yaxõāgu. Rũ taxucũrũwa texé nũxna tanachuxu i ngẽma na naxāmaxũ rū exna naxātéxũ rū exna naxāxácũxũ. Rũ ngẽma yatũ rū ngẽma ngexũ rū nawũxigumare.

Rũ ngẽxguma tama naxātechaũgu i wũxi i ngexũ rū taxucũrũwa texé tanamu na naxātéxũcax. Tũ ngẽxgumarũĩ i yatũxũ rū ngẽxguma tama naxāmaxchaũgu rū taxucũrũwa texé tanamu na naxāmaxũcax.

Rũ marũ name na naxāmaxũ rū naxātéxũ rū naxāxácũxũ i duĩxũgũ. Rũ name nixĩ na āẽxgacũ rū ngẽma duĩxũgũxũ inapoxũxũ rū nũxna na nadauxũ.

ARTICULO 17.

Rũ marũ name na wũxichigũ i duĩxũ rū nũxũ nangẽxmaxũ ya napata rū norũ naāne rū norũ ngẽmaxũgũ. Rũ ngẽxguma chi to i duĩxuũmaā yatoyechaũāgu i norũ ngẽmaxũgũ gũ marũ name na yatoyẽxũ.

Rũ taxucũrũwa texé wũxi i duĩxũna tanapu i norũ ngẽmaxũgũ rū napata rū exna tacu i to i nũxũ ngẽxmaxũ.

ARTICULO 18.

Rũ wũxichigũ i duĩxũ rū marũ name na nũma nanaxwaxexũāxũma nagu na naxĩnũxũ exna Tupanaāxũ na yaxõõxũ. Natũrũ ngẽxguma toācũma nagu naxĩnũchaũgu rū exna toācũma Tupanaāxũ yaxõxchaũagu rū taxucũrũwa texé nũxna tanachuxu i ngẽma. Rũ ngẽxguma togũmaā nũxũ yaxuxchaũgu i ngẽma nagu naxĩnũxũ rū exna yaxõxũ rū ngẽma rū ta rū name. Rũ ngẽxguma nũxĩcatama Tupanaāxũ yaxõxchaũagu rū ngẽma rū name. Natũrũ ngẽxguma togũmaā nangutaquexechaũgu na Tupanaxũ yacuaxũxũgũxũcax rū ngẽma rū ta name rū taxucũrũwa texé tanachuxu i ngẽma.

ARTICULO 19.

Rũ wũxichigũ i duĩxũ rū marũ name na nũma nanaxwaxexũācũma nagu na naxĩnũxũ rū taxucũma texé nũxna tanachuxu i ngẽma. Rũ taxuacũma texé tanapoxcu naxcax i ngẽma nagu naxĩnũxũ. Rũ taxucũrũwa texé tanachuxu na togũmaā nũxũ na tixuxũ i ngẽma nagu tarũxĩnũxũ.

ARTICULO 20.

Rũ ngẽxguma nangutaquexechaũgu i wũxi i duĩxũ rū taxucũrũwa texé nũxna tanachuxu i ngẽma ngutaquexe.

Taxũema nũxna tanachuxu i wũxi i duĩxũ ega tama nanaxwaxegu na wũxi i ngutaquexetanũxũ nũgũ yaxĩxðẽxũ.

ARTICULO 21.

Rũ ngẽma na āẽxgacũxũ yangucuchixðẽxũ i wũxi i duĩxũ rū guxũ i duĩxũgũmexẽwa nangẽxma i ngẽma.

Rũ name nixĩ na āẽxgacũ nũxũ rũngũxðẽxũ i guxũma i ngẽma duĩxũgũ i naxmexwa ngẽxmagũxũ.

Rũ name nixĩ na nangutaquexegũxũ i duĩxũgũ na meā nũxũ naxunetaxũcax i norũ āẽxgacũgũ. Rũ name nixĩ na wũxichigũ nuxũ naxunetaxũ i na ngexũrũũxũ i āẽxgacũ nanaxwaxegũxũ.

ARTICULO 22.

Rũ name nixĩ na āẽxgacũ nuxũ rũngũxðẽxũ i guxũma i norũ duĩxũgũ na meā namaxẽxũcax rū taxuma tacu rū chixexũ namaā naxũgũxũcax i ngẽma norũ duĩxũgũ.

ARTICULO 23.

Rũ name nixĩ na wũxichigũ i duĩxũ nũxũ na nangẽxmaxũ i norũ puracũ. Rũ taxucũrũwa texé nũxna tanachuxu na napuracũxũ nawa i ngẽma norũ puracũ i nũma nanaxwaxexũ. Rũ taxucũrũwa texé tanamu nawa i wũxi i puracũ i tama nũma nanaxwaxexũ.

Rũ name nixĩ na wũxichigũ i duĩxũ fũ nayauxāxũ i natanũ naxcax i norũ puracũ. Rũ ngẽxguma ñuxre i duĩxũgũ napuracũegu i wũxi i puracũwa, rū ngẽxguma nawũxiguxgu i ngẽma norũ puracũwa, rū name nixĩ na nawũxiguxũ i natanũ i ngẽma puracũcax nayauxgũxũ.

Rũ ngẽxguma wũxi i duĩxũ rū to i duĩxũna naxāāgu i wũxi i puracũ rū name nixĩ na meā nũxũ na naxũtanũāxũ. Erũ name nixĩ na wũxichigũ meā nayaxuxũ i natanũ na ngẽmamaā meā nũxna na nadauxũcax i ngẽma naxmax rū naxācũgũ.

Rũ ngẽxguma ñuxre i puracũtanũxũgũ wũxigu puracũchaũgu na meā nũxũ naxũtanũgũāxũcax rū taxucũrũwa texé tanachuxu nũxna i ngẽma.

ARTICULO 24.

Rũ guxũma i duĩxũgũ rū name na nangũgũxũ i ñuxguacu na tama guxũguma napuracũxũcax. Rũ ngẽxguma wũxi ya taunecũ wũxi i corixũtawa napuracũgu i wũxi i duĩxũ rū name nixĩ na ngẽma cori nũxna na nxāxũ i ñuxre i ngunexũ na nangũxũcax. Rũ name nixĩ na ngẽma ngunexũgũ i nagu nangũxũ i ngẽma cori nũxũ na naxũtanũxũ naxcax i ngẽma ngunexũgũ i nagu nangũxũ i ngẽma norũ duĩxũ.

ARTICULO 25.

Rũ name nixĩ na meā namaxũxũ i wũxichigũ i duĩxũ na tama yaḁaawexũcax i nũma rū naxmax rū exna naxāpataxũ i wũxichigũ i duĩxũ. Rũ ngẽxguma yaḁaawexgu rū name nixĩ na nangẽxmaxũ i norũ duturu. Rũ ngẽxguma taxuacũma norũ puracũxũ iyangauxgu i wũxi i duĩxũ rū name nixĩ na āẽxgacũ nũxũ rũngũxðẽxũ. Rũ ngẽxguma nayutegu rū exna poraācu nayaxgu i wũxi i duĩxũ rū nũxũ natauxgu i ngẽma norũ ngũxðẽruũ, rū name nixĩ na āẽxgacũ nũxũ rũngũxðẽxũ.

Rũ name nixĩ na āẽxgacũ nũxũ rũngũxðẽxũ i ngẽma ngexũgũ i āxāxũgũxũ. Rũ ngẽxgumarũĩ ta name nixĩ na āẽxgacũ nũxũ rũngũxðẽxũ i guxũma i buxũgũ woo naxānatũgu rū exna nangenatũgu.

ARTICULO 26.

Rũ name nixĩ na poperaxũ nacuaxgũxũ i guxũma i duĩxũgũ. Rũ tama name na buxũgũ naxũtanũgũxũ naxcax i ngẽma na nangũxũ. Rũ name nixĩ na guxũma i papagũ rū norũ buxũgũxũ namuxũ na nangũxũcax. Rũ ngẽxguma secundõriawa rū exna institũtowa rū exna universidõwa naxũxchaũgu i wũxi i naxácũ rū name nixĩ na ngẽma naxũxũ ega chi aixcũma mexũ i buxũ i ngũwaxexũ yixĩxgu.

Rũ ngẽma buxũgũarũ profesõrgũ rū name nixĩ na meāma nangũxexðẽāxũ i buxũgũ na meā guxũ i duĩxũgumaā namaxẽxũ. Rũ taxũena naxũxaxũcax na nũgũ nangechaũgũxũ i wũxichigũ i nachiüāne rū exna duĩxũgũ i to i nagawa idexagũxũmaā rū exna nũxũ yaxõõxũ na ngẽmaāxũ nataāðgũxũcax.

Rũ ngẽxguma wũxi i papa rū wũxi ya escuela ya mexũnewa namuxchaũāgu i norũ buxũ rū ngẽma rū ta name.

ARTICULO 27.

Rũ name nixĩ na wũxichigũ i duĩxũ rū nataāðxũ namaā i guxũma i mexũgũ i norũ iānewa ngẽxmaxũ. Rũ ngẽxguma nangẽxmagu i tacũ i mexũ i iāneārtũ ixĩxũ rū name nixĩ na nũxũ nacuðxũ na guxũārũ yixũ i ngẽma.

Rũ ngẽxguma texé naxũmatũgu i wũxi i popera rū exna wũxi i naxchicũnaxā taxũxgu rū namaā tataxegu, rū name nixĩ na tanayaxuxũ i natanũ naxcax i tũmaārũ puracũ.

ARTICULO 28.

Rũ taxucũrũwa texé tanachuxu na meā ñaā popera nũxũ ixuxũrũũ namaxũxũ i wũxi i duĩxũ.

ARTICULO 29.

Rũ name nixĩ na wũxichigũ i duĩxũ rū meā norũ iānecax napuracũxũ rū meā guxũ i togũ i norũ iānecũāxgũmaā namaxũxũ.

Rũ name nixĩ na meā namaxẽxũ i guxũma i duĩxũgũ, natũrũ taxucũrũwa texé chixri naga taxĩnũ i tũmaārũ āẽxgacũ. Rũ tama name na wũxi i duĩxũ rū to i duĩxũmaā chixexũ naxũxũ.

Rũ taxucũrũwa texé chixri naga taxĩnũ i ngẽma nũxũ yaxuxũ i ñaā popera erũ ñā nixĩ i nagu naxĩnũðexũ i guxũma i nachiüānegũ i wũxigu rũxĩnũðexũ.

ARTICULO 30.

Rũ guxũ i nachiüānewa rū taxucũrũwa tacu rū āẽxgacũ chixri naga naxĩnũ i ñaā popera. Rũ name nixĩ na guxũma i togũ i duĩxũgũ rū ta meā naga naxĩnũðexũ i ñaā popera. Erũ tanaxwaxe na meā namaxẽxũ i guxũma i duĩxũgũ i ñaā popera nũxũ ixuxũrũũ.